

爾雅郭註補正

爾雅郭註補正卷三

欽定四庫全書
爾雅卷上
戴鑑謹撰恭擬進

呈本

釋訓第三

爾雅卷上

明明斤斤察也

註皆聰明鑒察補正邢疏舍人曰明明言其明甚斤

斤物情詳之察也孫炎曰明明性理之察也斤斤重

慎之察也

臣鑒按釋訓多解釋詩文故凡釋皆不用

引詩為證

條條秩智也

註皆智思深長

穆穆肅肅敬也

註皆容儀敬謹

諸諸便便辯也

便婢
縣反

註皆言辭辯給

肅肅翼翼恭也

註皆恭敬

靡靡優優和也

註皆和樂

兢兢愷愷戒也

註皆戒慎

戰戰跄跄動也

〔註〕皆恐動趨步

晏晏溫溫和也

〔註〕皆和柔

業業翹翹危也

〔註〕懸危

惴惴僬僬懼也

〔註〕皆危懼〔補正〕釋文本文作僬字林云懼也詩云子

維音僬僬

番番矯矯勇也

〔註〕皆壯勇之貌〔補正〕釋文舍人云矯矯得勝之勇也

桓桓烈烈威也

食貨志
二
註皆嚴猛之貌

洸洸赳赳武也

註皆果毅之貌補正釋文云舍人本洸作橫赳赳說

文云輕勁有才也

臣鑒

按註中果釋文本作慄

藹藹濟濟止也

註皆賢士盛多之容止

悠悠洋洋思也

註皆憂思補正鄭樵註云思而無所止之貌

蹶蹶跼跼敏也敏捷也

註皆便速

薨薨增增眾也

〔註〕皆眾夥之貌補正釋文云薨薨顧舍人本作雄雄

烝烝遂遂作也

〔註〕皆物盛興作之貌

委委佗佗美也

佗徒河反

〔註〕皆佳麗美豔之貌補正邢疏李巡曰皆詩疏引此

句皆作寬容之美也孫炎曰委委行之美佗佗長之

美釋文舍人云裋裋者心之美引詩亦作裋佗本或

作它舍人引詩釋云裋裋它它如山如河

低低惕惕愛也

低徒啓反

〔註〕詩云心焉惕惕韓詩以爲悅人故言愛也低低未

詳補正邢疏李巡曰低低和適之愛也

臣鑒

按低當

作怗余之反郭註作徒啓反釋文謂顧舍人渠支反
李余之反是當作怗玉篇云怗敬也愛也

稱俳格格舉也

〔註〕皆舉持物

秦秦孽孽戴也

〔註〕皆頭戴物

慇慇媿媿安也

慇於占反
媿徒低反

〔註〕皆好人安詳之容補正邢疏孫炎云媿媿行步之
安也

祁祁遲遲徐也

〔註〕皆安徐

丕不簡簡大也

註皆多大補正

臣瑩

按詩疏引李註云降福之大也

存存萌萌在也

註萌萌未見所出補正邢疏萌萌字書作蕝說文作

蕝

懋懋惛惛勉也

惛音暮

註皆自勉強

庸庸惛惛勞也

註皆劬勞也補正邢疏小雅勞心草草惛惛音義同

赫赫躍躍迅也

註皆盛疾之貌補正邢疏孫炎云赫赫顯著之迅釋

文赫舍人本作爽說文云爽盛也躍樊本作濯引詩

濯濯厥靈

綽綽爰爰也

註皆寬緩也悠悠僛僛丕丕簡簡存存懋懋庸庸綽

綽盡重語臣鑒按今本此註脫落在疏內按疏於此

条悠悠上有郭云釋文於躍躍下有重語二字其爲

註可知

坎坎樽樽喜也

註皆鼓舞懽喜補正釋文舍人云樽樽舞貌

翟翟休休儉也

註良士節儉補正邢疏李巡曰皆良士顧禮節之儉

也

旭旭蹻蹻也

〔註〕皆小人得志僑蹇之貌

夢夢詵詵亂也

〔註〕皆闇亂〔補正〕邢疏孫炎曰夢夢昏昏之亂也釋文

或作諄顧舍人云夢夢詵詵煩懣亂也

爆爆邈邈悶也

爆布卓反

〔註〕皆煩悶〔補正〕邢疏舍人曰藐藐憂悶也釋文說文

云大呼也自寃也

僂僂洄洄惛也

僂亡崩反洄音韋

〔註〕皆迷惛

版版盪盪僻也

〔註〕皆邪僻〔補正〕邢疏李巡曰版版失道之僻也盪盪

者弗思之僻也臣鑒按詩疏引孫炎云蕩蕩法度廢

壞之僻

熒熒炎炎薰也

熒徒冬反

〔註〕皆旱熱薰炙人

居居究究惡也

〔註〕皆相憎惡〔補正〕邢疏李巡曰居居不狎習之惡孫

炎曰究究窮極人之惡

仇仇敖敖傲也

〔註〕皆傲慢賢者〔補正〕釋文舍人本傲作毀釋云仇仇

無倫理之貌齜齜衆口毀人之貌李同

此此瑣瑣小也

此音徒

註皆才器細陋補正釋文此此舍人云形容小貌邢

疏舍人曰瑣瑣計謀褊淺之貌

悄悄慘慘慍也

註皆賢人愁恨補正邢疏李巡曰慘慘憂之慍

瘡瘡痠病也

瘡古卯反

註皆賢人失志懷憂病也

殷殷惇惇忉忉惇惇欽欽京京忉忉懨懨忉忉奕奕憂

也

惇徂交反忉恥忠反懨丁劣反忉彼病反

註此皆作者歌事以詠心憂

均均田也

註言懇辟也**補正**釋文舉林云均均田也懇蒼頡篇云耕也廣雅云治也

畎畎耜也

註言嚴利**補正**邢疏舍人曰畎畎耜入地之貌

郝郝耕也

註言土解**補正**臣鑒按郝釋文音釋詩疏引舍人註

云釋釋猶霍霍解散之意

繹繹生也

註言種調**補正**邢疏舍人云穀皆生之貌

穰穰苗也

註言茂好也補正釋文說文云禾垂之貌

縣縣穠也

註言芸耨精補正邢疏孫炎云縣縣言詳密也穀芟云縣縣其庶傳云穠耘也說文云穠耨鉏田也字林云穠耕禾閒也是言芸耨精也

挫挫穫也

註刈禾聲補正邢疏孫炎云挫挫穫聲也小爾雅云截穎謂之挫

栗栗衆也

註積聚緻補正李巡曰栗栗積聚之衆也

澌澌漸也

詁洮米聲補正邢疏大雅釋之叟叟傳云釋漸米也

叟叟聲也淫叟音異義同臣鑒按釋文引詩亦作淫

淫

烜烜烝也烜音孚

註氣出盛

俅俅服也

註謂戴弁服

峨峨祭也

註謂執圭璋助祭補正臣鑒按詩疏引舍人註云峨

峨奉璋之貌

錚錚樂也釋文作

韻

〔註〕鐘鼓音

穰穰福也

〔註〕言饒多

子子孫孫引無極也

〔註〕世世昌盛長無窮〔補正〕邢疏舍人曰子孫長行美

道引無極也

颀颀印印君之德也

〔註〕道君人者之德望

丁丁嚶嚶相切直也

〔註〕丁丁斫木聲嚶嚶兩鳥鳴以喻朋友切磋相正

藹藹萋萋臣盡力也

〔註〕梧桐茂賢才衆地極化臣竭忠〔補正〕臣鑒按詩疏

引舍人註云藹藹賢士之貌萋萋梧桐之貌又引孫
〔註〕云言衆臣竭力則地竭其化梧桐盛也

唯嚶嚶喈喈民協服也

〔註〕鳳凰應德鳴相和百姓懷附興頌歌

佻佻契契愈遐急也

〔註〕賦役不均小國困竭賢人憂歎遠益急切〔補正〕臣
鑒按詩傳佻佻獨行貌契契憂苦也

宴宴粲粲尼居息也

〔註〕盛飾宴安近處優閑

哀哀悽悽懷報德也

〔註〕悲苦征役思所生也

儵儵嘒嘒罹禍毒也

儵徒的反釋文云樊本作攸

〔註〕悼王道穢塞羨蟬鳴自得傷已失所遭讒賊

晏晏旦旦悔爽忒也

〔註〕傷見棄絕恨士失也

皐皐瑁瑁刺素食也

〔註〕譏無功德尸寵祿也〔補正〕邢疏會人曰皐皐不治之貌

懼懼惴惴憂無告也

〔註〕賢者憂懼無所訴也

憲憲洩洩制灋則也

有明史記卷一百一十一
註佐興虐政設教令也補正邢疏李巡曰皆惡黨爲制濃則也孫炎曰厲王方虐諂臣竝爲制作濃令
諛諛諂諂崇諛惡也

註樂禍助虐增譖惡也補正邢疏舍人曰諛諛諂諂皆盛烈貌孫炎曰厲王暴虐大臣諛諛諂諂悲盛以興諛惡也

翁翕訛訛莫供職也

註賢者陵替姦黨熾背公卹私曠職事補正臣鑒按詩疏引李註云君闇蔽臣子莫親其職

速速蹙蹙惟速鞠也

註陋人專祿國侵削賢士求哀念窮迫

抑抑密也

註威儀審諦補正邢疏舍人曰威儀密靜也

秩秩清也

註德音清冷

粵牟掣曳也

註謂牽挽補正釋文作地註云本或作拖同泰何達

可二反廣雅引也說文曳也掣或作摩邢疏孫炎曰
謂相掣曳入於惡也周頌莫予荈蜂傳云荈蜂摩曳
也箋云羣臣小人無敢我摩曳謂爲譎詐欺不可信
也然則掣曳者從旁牽挽之言是挽離正道使就邪
僻荈牟牟掣摩音義同

朔北方也

註謂幽朔

補正

邢疏舍人曰朔盡也北方萬物盡故

言朔也

臣鑒

按書疏引李註云萬物盡於北方蘇而

復生故言朔方

不俟不來也

註不可待是不復來

補正

臣鑒

按釋文不俟作不俟

註云事已反待也宜從來字今作俟字不來本或作

俟速同力胎反

不適不蹟也

註言不循軌跡也

不徹不道也

註徹亦道也

勿念勿忘也

註勿念念也

菱緩忘也

註義見伯兮考槃詩

每有雖也

註詩曰每有良朋辭之雖也

饔酒食也

註猶今云饔饌皆一語而兼通補正邢疏李巡曰得

酒食則歡喜也

舞號雩也

註雩之祭舞者吁嗟而請雨補正邢疏孫炎云雩之祭有舞有號

暨不及也

註公羊傳曰及我欲之暨不得已暨不得已是不待及

蠢不遜也

註蠢動爲惡不謙遜也

如切如磋道學也

註骨象須切磋而爲器人須學問以成德

如琢如磨自脩也

註玉石之被琢磨猶人自脩飾

瑟兮僴兮恂慄也

註常戰竦

赫兮咺兮威儀也

註貌光宣

有斐君子終不可諼兮

註斐文貌

道盛德至善民之不能忘也

註常思詠

既微且廋肝瘍爲微腫足爲廋

註胛脚脛瘍創也補正邢疏孫炎曰皆水溼之疾也

是刈是穫穫煮之也石經本下穫字作鑊釋文亦同

註煮葛爲絺綌補正邢疏舍人曰是刈刈取之是獲

煮治之臣鑒按詩疏引孫註云煮葛以爲絺綌以煮

之於獲故曰獲煮非訓獲爲煮

履帝武敏武迹也敏拇也

註拇迹大指處

張仲孝友善父母爲孝善兄弟爲友

註周宣王時賢臣

有客宿宿言再宿也有客信信言四宿也

註再宿爲信重言之故知四宿

美女爲媛

註所以結好媛補正邢疏孫炎曰君子之援助

美士爲彥

註人所彥詠

其虛其徐威儀容止也

註雍容都雅之貌**補正**邢疏孫炎云虛徐威儀謙退也

猗嗟名今日上爲名

註睂眼之間

式微式微者微乎微者也

註言至微

之子者是子也

註斥所詠**補正**邢疏李巡云之子者論五方之言是

子也

徒御不驚輦者也

〔註〕步挽輦車

禮裼肉袒也

〔註〕脫衣而見體〔補正〕邢疏李巡曰禮裼脫衣見體曰肉袒孫炎曰袒去裼衣

暴虎徒搏也

〔註〕空手執也〔補正〕邢疏舍人曰無兵空手搏之

馮河徒涉也

〔註〕無舟楫〔補正〕邢疏李巡曰無舟而渡水曰徒

籛條口柔也

〔註〕籛條之疾不能俯口柔之人視人顏色常亦不伏
因以名云〔補正〕邢疏李巡曰籛條巧言好辭以口饒
人是謂口柔

戚施面柔也

〔註〕戚施之疾不能仰面柔之人常俯似之亦以名云
〔補正〕邢疏李巡曰戚施和顏悅色以誘人是謂面柔
夸毗體柔也

〔註〕屈己卑身以柔順人也〔補正〕邢疏李巡曰屈己卑
身求得於人曰體柔

婆娑舞也

〔註〕舞者之容〔補正〕邢疏李巡曰婆娑盤辟舞也孫炎

曰舞者之容婆娑

擗拊心也

註謂推胃也

衿憐撫掩之也

註撫掩猶撫拍謂慰卹也

緘羔裘之縫也

註縫飾羔皮之名補正孫炎云緘之爲界緘

殿屎呻也

殿香惟反屎許利反釋文云或作歛吹又作慙脰

註呻吟之聲補正邢疏孫炎云人愁苦呻吟之聲也

幬謂之帳

註今江東亦謂帳爲幬

併張誑也

〔註〕書曰無或併張爲幻幻惑欺誑人者

誰昔昔也

〔註〕誰發語辭

不辰不時也

〔註〕辰亦時也

凡曲者謂韜

〔註〕毛傳曰韜曲梁也凡以薄爲魚笱者名爲韜

鬼之爲言歸也

〔註〕尸子曰古者謂死人爲歸人

釋親第四

爾雅卷上

爾雅郭註補正

卷上三

五

釋訓

父爲考母爲妣

〔註〕禮記曰生曰父母妻死曰考妣嬪今世學者從之
案尚書曰大傷厥考心事厥考厥長聰聽祖考之彝
訓如喪考妣公羊傳曰惠公者何隱之考也仲子者
何桓之母也蒼頡篇曰考妣延年書曰嬪于虞詩曰
聿嬪于京周禮有九嬪之官明此非死生之異稱矣
其義猶今謂兄爲弟妹爲媚卽是此例也

父之考爲王父父之妣爲王母

〔註〕加王者尊之

王父之考爲曾祖王父王父之妣爲曾祖母

〔註〕曾猶重也〔補正〕

臣鑒

按劉熙釋名云祖位轉增益

也

曾祖王父之考爲高祖王父曾祖王父之妣爲高祖王

母

註高者言最在上

父之世父叔父爲從祖祖父父之世母叔母爲從祖祖

母

註從祖而別世統異故**補正**

臣鑒

按釋名云亦言隨

從己祖以爲名也

父之舅弟先生爲世父後生爲叔父

舅音昆本亦作昆

註世有爲嫡者嗣世統故也**補正**

臣鑒

按釋文云父

之兄曰世父又曰伯父父之弟曰仲父仲父之弟曰

叔父叔之弟曰季父

男子先生爲兄後生爲弟男子謂女子先生爲姊後生爲妹父之姊妹爲姑父之從父兄弟爲從祖父父之從祖兄弟爲族父族父之子相謂爲族兄弟族兄弟之子相謂爲親同姓

註同姓之親無服屬

兄之子弟之子相謂爲從父兄弟

註從父而別

子之子爲孫

註孫猶後也**補正**鄭樵云說文云孫字從系系續也
孫之子爲曾孫

註曾猶重也

曾孫之子爲元孫

註元者言親屬微昧也

元孫之子爲來孫

註言有往來之親

來孫之子爲舅孫

註舅後也汲冢竹書曰不窋之舅孫

舅孫之子爲仍孫

註仍亦重也補正

臣鑒

按釋名云以禮仍有之耳恩

意實遠也

仍孫之子爲雲孫

註言輕遠如浮雲

王父之姊妹爲王姑曾祖王父之姊妹爲曾祖王姑高祖王父之姊妹爲高祖王姑父之從父姊妹爲從祖姑父之從祖姊妹爲族祖姑父之從父兄弟之母爲從祖王母父之從祖兄弟之母爲族祖王母父之兄弟妻爲世母父之弟妻爲叔母父之從父兄弟之妻爲從祖母父之從祖兄弟之妻爲族祖母父之從祖祖父爲族曾王父父之從祖祖母爲族曾王母父之妾爲庶母祖王父也兄弟也

註今江東人通言舅

宗族

母之考爲外王父母之妣爲外王母母之王考爲外曾王父母之王妣爲外曾王母

註異姓故言外

母之舅弟爲舅母之從父舅弟爲從舅母之姊妹爲從母從母之男子爲從母舅弟其女子子爲從母姊妹

補正臣鑒按釋名云母之姊妹曰姨亦如禮謂之從

母杜佑通典引晉袁準論曰左傳臧宣叔娶于疇而卒繼室以其姪穆姜之姨子也以爾雅言之穆姜不得言姨此緣妻姊妹之姨因謂爲姨也姊妹相謂爲姨故其子謂之姨子其母謂之姨母

母黨

妻之父爲外舅妻之母爲外姑

〔註〕謂我舅者吾謂之甥然則亦宜呼壻爲甥孟子曰
帝館甥于貳室是也〔補正〕臣鑒按釋名云言妻從外
來謂至已家爲婦故反以此義稱之夫妻匹敵之義
也

姑之子爲甥舅之子爲甥妻之舅弟爲甥姊妹之夫爲
甥

〔註〕四人敵體故更相爲甥甥猶生也今人相呼蓋依
此補正臣鑒按釋名云妻之昆弟曰外甥其姊妹女
也來歸已內爲妻故其男爲外甥之甥甥者生也他
姓子本生於外不得如其女來在已內也是漢晉以

前皆如此稱今則姑之子爲表兄弟舅之子亦爲表兄弟妻之兄弟爲內姪姊妹之夫爲姨夫妻之姊妹同出爲姨

註同出謂已嫁詩曰邢侯之姨**補正**鄭樵云然則未嫁者不容相呼也

女子謂姊妹之夫爲私

註詩曰譚公維私**補正**邢疏孫炎曰私無正親之言男子謂姊妹之子爲出

註公羊傳曰蓋舅出**補正**臣鑒按釋名云出嫁於異

姓而生之也又云舅謂姊妹之子曰甥甥亦生也出配他男而生故其制字男旁作生也

女子謂舅弟之子爲姪

〔註〕左傳曰姪其從姑〔補正〕鄭樵云今男子謂舅弟之子亦然據古人謂兄弟之子其男子爲子其女子爲姪故姪之字從女此本義也後人訛則通謂姪臣鑒按顏氏家訓云兄弟之子前呼爲兄子弟子北土多呼爲姪爾雅喪服經左傳姪名雖通男女竝是對姑之稱晉世已來始呼叔姪

謂出之子爲離孫謂姪之子爲歸孫女子子之子爲外孫女子同出謂先生爲姒後生爲娣

〔註〕同出謂俱嫁事一夫公羊傳曰諸侯娶一國二國往媵之以姪娣從娣者何弟也此卽其義也〔補正〕

按釋名云出之子曰離孫言遠離已也姪之子曰歸孫婦人謂嫁曰歸姪子列故其所生爲孫也女子謂兄之妻爲嫂弟之妻爲婦

註猶今言新婦是也

長婦謂稚婦爲娣婦娣婦謂長婦爲姒婦

註今相呼先後或云妯娌補正邢疏廣雅云娣姒妯

娌姒先後也今多疑娣姒之名皆以爲兄妻呼弟妻

爲娣弟妻呼兄妻爲姒因卽惑於斯文不知何以爲

說今謂母婦之號隨夫尊卑娣姒之名從身長幼以

其俱來夫族其夫班秩旣同尊卑無以相加遂從身

之少長喪服小功章曰娣姒婦報傳曰娣姒婦者弟

長也以弟長解娣姒言娣是弟姒是長也公羊傳亦云娣者何弟也是其以弟解娣自然以長解姒長謂身之年長非夫之年長也此云長婦謂稚婦爲娣婦娣婦謂長婦爲姒婦者止言婦之長稚不言夫之大小左傳穆姜謂聲伯之母爲姒妹向之嫂謂叔向之妻爲姒二者皆呼夫弟之妻爲姒豈計夫之長幼乎上云女子同出謂先生爲姒後生爲娣郭云同出謂俱嫁事一夫也事一夫者以已生先後爲娣姒則知娣姒以已之年非夫之年也故賈逵鄭元及杜預皆云兄弟之妻相謂爲姒言兩人謂相謂長者爲姒

妻黨

婦稱夫之父曰舅稱夫之母曰姑姑舅在則曰君舅若姑沒則曰先舅先姑

註國語曰吾聞之先姑**補正**邢疏白虎通云夫之父母謂之舅姑何尊如父而非父者舅也親如母而非母者姑也

謂夫之庶母爲少姑夫之兄爲兄公

註今俗呼兄鍾語之轉耳**補正**臣鑒按釋名云夫之

兄曰公公君也君尊稱也俗間曰兄章章灼也章灼

敬奉之也又曰兄忪是已所敬見之怔忡自肅齊也

俗或謂舅曰章杜甫詩妾身未分明何以拜姑嫜通作章又曰忪亦如之

也呂氏春秋姑姁知之曰我婦而有外心不可畜

夫之弟爲叔夫之姊爲女公夫之女弟爲女妹

〔註〕今謂之女妹是也

子之妻爲婦長婦爲嫡婦眾婦爲庶婦女子子之夫爲壻壻之父爲姻婦之父爲婚父之黨爲宗族母與妻之黨爲兄弟婦之父母壻之父母相謂爲婚姻兩壻相謂爲亞

〔註〕詩曰瑣瑣姻亞今江東人呼同門爲僚壻補正邢

疏劉熙釋名云兩壻相謂爲亞者言每一人取姊一

人取妹相亞次也又竝來女氏則姊夫在前妹夫在

後亦相亞也

臣鑒

按釋名又云婦之父曰婚言壻親

迎用昏又恒以昏夜成禮也壻之父曰姻姻因也女

往因媒也

婦之黨爲婚兄弟壻之黨爲姻兄弟

註古者皆謂婚姻爲兄弟補正邢疏禮記曾子問曰昏禮旣納幣有吉日女之父母死則如之何孔子曰壻使弔如壻之父母死則女之家亦使人弔鄭註云必使人弔者未成兄弟又云父喪稱父母喪稱母父母不在則稱伯父世母壻已葬壻之伯父致命女氏曰某之子有父母之喪不得嗣爲兄弟使某致命女氏許諾而弗敢嫁禮也是古者謂婚姻爲兄弟有夫婦有兄弟之義

嬪婦也

註書曰嬪于虞

謂我舅者吾謂之甥也

補正

臣鑒

按此条指母之舅爲舅非槩言也如云姑之子爲甥舅之子爲甥妻之舅弟爲甥姊妹之夫爲甥豈可謂我爲舅乎

爾雅郭註補正卷三終

爾雅郭註補正卷四

欽賜舉人志三分四庫書校對 戴望謹撰恭擬進

呈本

釋宮第五

爾雅卷中

宮謂之室室謂之宮

註皆所以通古今之異語明同實而兩名**補正**邢疏
詩云作于楚宮又曰入此室處是也古者貴賤所居
皆得稱宮故禮記曰由命士以上父子皆異宮又喪
服傳繼父爲其妻前夫之子築官廟是士庶人皆有
官稱也至秦漢以來乃定爲至尊所居之稱
牖戶之間謂之展

名牙身言卷二
〔註〕窓東戶西也禮云斧扆者以其所在處名之〔補正〕

邢疏案觀禮天子設斧依于戶牖之間左右几鄭註云依如今絺素屏風也有繡斧文所以示威也斧謂之黼是也臣鑒按明堂位註云扆狀如屏風以絳爲質高八尺東西當戶牖之間繡爲斧文亦曰斧扆天子見諸侯則依而立負之而南面以對諸侯又說文云牖穿壁以木爲交窓所以見日也在牆曰牖在屋曰窓

其內謂之家

〔註〕今人稱家義出於此〔補正〕鄭樵云自扆以內明所居也

東西牆謂之序

〔註〕所以序別內外〔補正〕邢疏此謂室前堂上東西廂之牆也所以次序分別內外親疎故謂之序也尚書顧命云西序東嚮敷重底席東序西嚮敷重豐席及禮經每云東序西序皆謂此也

西南隅謂之奧

〔註〕室中隱奧之處〔補正〕邢疏孫炎云古者爲室戶不當中而近東則西南隅最爲深隱故謂之奧而祭祀及尊者常處焉曲禮云凡爲人子居不主奧是也〔臣〕鑒按釋文引尚書并說文皆云奧室也孔註論語云內也鄭註禮記云主也廣雅云藏也又釋名云奧不

見戶明所在秘奧也義互相發

西北隅謂之屋漏

註詩曰尚不媿於屋漏其義未詳補正邢疏孫炎云

屋漏者當室之白日光所漏入

臣瑩

按曾子問祭殤

與無後者於宗子之家當室之白尊于東房是謂陽
厭孔穎達謂當室之明白顯露處特牲饋食禮佐食
徹尸薦俎敦設于西北隅鄭康成謂尸謏之後改設
饌于西北隅是謂陽厭萬斯大謂當室之白以其在
室西北隅屋漏故曰陽厭以此證之則屋漏爲日光
所漏入處若詩所云尚不媿于屋漏謂人處室幽隱
不明之處爲不善雖無人見豈能不媿曰光漏入乎

論語所謂內省不疚中庸所謂慎獨皆此意也

東北隅謂之宦宦音怡

〔註〕宦見禮亦未詳〔補正〕邢疏李巡云東北者陽始起育養萬物故曰宦宦養也臣鑒按說文云宦養也室

之東北隅食所居陸德明謂與周易頤卦養義同蓋古人取育養發生之義爲食飲之所理可信也

東南隅謂之窻窻音查

〔註〕禮曰埽室聚窻窻亦隱闇〔補正〕臣鑒按說文云窻

深貌

枅謂之闕枅干結反

〔註〕闕門限〔補正〕邢疏經傳諸註皆以闕爲門限謂門

下橫木爲內外之限俗謂之地扶一名闔曲禮云不
履闔是也臣鑒按今亦謂之門藉顏師古匡謬正俗

云俗謂門限爲門藉何也答曰按爾雅曰扶謂之闔
郭景純註曰門限也音切今言門藉是扶聲之轉耳
今宜爲扶而作切者是俗謂門藉唐時已然矣

棖謂之楔

〔註〕門兩旁木〔補正〕邢疏棖者門兩旁長木一名楔李
巡曰棖謂梱上兩旁木禮記玉藻云君入門上介拂
棖鄭箋云棖門楔

楣謂之梁

〔註〕門戶上橫梁〔補正〕邢疏楣卽梁也呂伯雍云門楣

之橫梁也郭云門戶上橫梁鄉射記堂則物當楣是也臣瑩按楣有二一爲門上橫梁郭註所云是也一爲棟下次梁邢昺所引鄉射記是也彼鄭註云是制五架之屋也正中曰棟次曰楣前曰廡賈公彥謂中脊爲棟棟前一架爲楣楣前接檐爲廡此楣與扶棧連類而言蓋指門上橫梁也又按說文於楣字下註云門樞之橫梁也於楣字下註云秦名屋橋聯也齊謂之檐楚謂之楣皆指棟下次梁而言二字不同豈爾雅楣當作楣傳寫之譌歟

樞謂之樞

註門戶扉樞補正邢疏樞者門扉開闔之所由也一

名樞易曰樞機之發是也

樞達北方謂之落時

〔註〕門持樞者或達北樞以爲固也

落時謂之厄

厄本或作厄音侯

〔註〕道二名也

坳謂之坳

坳居毀反坳丁念反

〔註〕在堂隅坳端也〔補正〕邢疏坳者堂角也一名坳坳

名見於經傳者三案禮記明堂位云反坳出尊崇坳

亢圭及論語邦君爲兩君之好有反坳此二者在兩

楹之間以土爲之非此經所謂也案旣夕記云設楹

于東堂下南順齊于坳士冠禮云爵弁皮弁緇布冠

各一區執以待于西玷南則此經所謂也鄭註云玷在堂角然則堂之東南角爲東玷西南角爲西玷故郭云在堂隅玷端也端則端也言玷是堂角端也牆謂之墉

註書曰既勤垣墉補正邢疏牆者室之防也一名墉

李巡曰謂垣牆也郊特牲曰君南鄉於北墉下註云

在內北牆是也臣鑒按士冠禮陳服于房中西墉下

士昏禮尊于室中北墉下註云墉牆也蓋牆者墉壁

之通稱

鏝謂之枋

鏝釋文云本或作枋武安反枋音烏

註泥鏝補正邢疏鏝者泥鏝也一名枋塗工之作具

也論語糞土之牆不可朽是也

椳謂之椳

椳釋文云本或作砧張材反椳音虔本亦作虔

〔註〕斫木櫨也〔補正〕邢疏椳者斫木所用以藉者之木名也一名椳孫炎云斫木質也詩商頌云方斫是虔又名櫨穀梁傳曰裘纒櫨以爲臬是也

地謂之黝

〔註〕黑飾地也

〔補正〕

邢疏周禮守祧職云其祧則守祧

黝聖之是也

牆謂之聖

聖於各反

〔註〕白飾牆也

〔補正〕

臣鑒

按今人燒石爲灰謂之白聖

劉熙釋名云聖者亞也次也先泥之以白灰飾之也

櫨謂之杙

櫨之力反杙羊特反

〔註〕櫨也

〔補正〕

臣鑒

按植木埋地半出地面今謂之椿

說文云椿櫨杙也左傳臧堅以杙扶其傷而死是也

又或作職周官大祭祀展犧牲繫于牽頒于職鄭註

職讀作櫨

在牆者謂之樨

樨許韋反

〔註〕禮記曰不敢縣於夫之樨簋

在地者謂之臬

〔註〕即門櫨也

大者謂之栱長者謂之閣

栱音印

〔註〕別杙所在長短之名

閣謂之臺

閣音都

註積土四方**補正**邢疏李巡云積土為之所以觀望

臣鑒

按月令可以處臺榭鄭註云閣者謂之臺

有木者謂之榭

註臺上起屋**補正**

臣鑒

按春秋疏引李註云臺上有

屋謂之榭說文亦云臺有屋也書泰誓宮室臺榭傳

云土高曰臺有木曰榭

雞棲於弋為櫟鑿垣而棲為塼

櫟巨列反塼音時

註今寒鄉穿牆棲雞皆見詩**補正**邢疏李巡曰別雞

所棲之名弋櫟也鑿牆為雞作棲曰塼

臣鑒

按釋文

引字林云櫟弋也

植謂之傳傳謂之突

傳音樣突徒忽反

註戶持鎖植也見埤蒼**補正**邢疏植謂戶之維持鎖

者也植木爲之因名云又名傳又名突

宋廂謂之梁

宋音亡廂力又反

註屋大梁也

補正

臣鑒

按韓愈進學解云大木爲宋

其上楹謂之棖

註侏儒柱也

補正

邢疏楹柱也其梁短柱名棖禮器

云藻棖者謂畫梁上柱爲藻文也一名侏儒柱以其

短小故也

臣鑒

按釋名云楹儒也梁上短柱也楹儒

猶侏儒短故以名之

開謂之楨

開皮彥反釋文云本亦作弁

〔註〕柱上構也亦名枅又曰楷〔補正〕臣鑒按說文云枅

屋櫨也徐鍇繫傳云柱上橫木承棟者橫之似笄也

桶謂之枲桶音而枲音節釋文云舊本及論語禮記皆作節

〔註〕卽櫨也〔補正〕邢疏皆謂斗拱也禮器云管仲山節

者謂刻柱頭爲斗拱形如山也臣鑒按禮記疏引李

註云構櫨一名節皆謂斗拱也

棟謂之桴

〔註〕屋櫨〔補正〕邢疏今屋脊也易曰棟隆吉是也臣鑒

按棟脊上橫梁說文謂之極以其在屋極高處也桴

卽棟之別名班固西都賦荷棟桴而高驤是也

桶謂之椳桶音角椳疎追反

〔註〕屋椽〔補正〕邢疏桷屋椽也一名椽椳沈云齊魯名桷周人名椽左傳子產曰棟折椽崩僑將壓焉是也臣鑒按說文云桷椽也椽方曰桷釋名云桷桷也其形細而疎桷也或謂之椽椽傳也相傳次而布列也或謂之椽在櫨旁下列衰衰然垂也

桷直而遂謂之閱

〔註〕謂五架屋際椽正相當〔補正〕邢疏屋椽長直而遂達五架屋際者名閱

直不受椽謂之交

〔註〕謂五架屋際椽不直上檐交於櫨上

檐謂之櫨

櫨也赤反

〔註〕屋栒〔補正〕邢疏檐一名櫛一名屋栒又名宇皆屋之四垂也故士喪禮曰爲銘置于宇西階上鄭註云宇栒是也臣瑩按釋名云栒或謂之椳椳縣也縣連椳頭使齊平也又儀禮疏引孫註云謂室栒周人謂之栒齊人謂之檐謂承檐行材

容謂之防

〔註〕形如今牀頭小曲屏風唱射者所以自防隱見周禮〔補正〕邢疏容者射禮唱獲者蔽身之物也一名防言所以容身防矢也一名乏鄉射禮云乏三侯道居侯黨之一西五步鄭註云容謂之乏乏所以爲獲者御矢也謂之乏者言矢至此力乏也周禮射人職云

以射法治射儀王以六耦射三侯三獲三容郎司農云容者乏也待獲者所蔽是矣

連謂之簾

籀文知反

〔註〕堂樓閣邊小屋今呼之簾厨連觀也〔補正〕邢疏簾

樓閣邊相連小屋名也臣參按說文亦云簾閣邊小

屋也

屋上薄謂之筵

筵音曜

〔註〕屋竿〔補正〕

臣參

按筵今椽上版所以承瓦者說文

云在瓦之下枋之上

兩階間謂之鄉

鄉許亮反

〔註〕人君南鄉當階間〔補正〕邢疏人君南面嚮明而治

其位在兩階間因名云

中庭之左右謂之位

註羣臣之列位也**補正**邢疏中庭之左右謂之位者左右猶東西也位羣臣之列位也案明堂位云三公中階之前北面東上諸侯之位阼階之東西面北上諸伯之國西階之西東面北上諸子之國門東北面東上諸男之國門西北面東上是也

門屏之間謂之宁

宁音佇

註人君視朝所宁立處**補正**邢疏謂路門之外屏樹之內人君視朝宁立之處因名爲宁曲禮曰天子當宁而立諸公東面諸侯西面而朝是也

屏謂之樹

註小牆當門中**補正**邢疏屏蔽也樹立也立牆當門以自蔽也李巡曰垣當門自蔽名曰樹禮緯云天子外屏諸侯內屏郊特牲云旅樹鄭註云旅道也屏謂之樹樹所以蔽行道以此推之則諸侯內屏在路門之內天子外屏在路門之外而近應門者矣

閑謂之門

閑補耕反

註詩曰祝祭於祊**補正**邢疏李巡曰閑廟門名案祊本廟門之名設祭於廟門因名其祭亦名祊凡祊有二種一是正祭之時既設於廟又求神於廟門之內郊特牲云索祭祝於祊及詩云祝祭於祊註祊平生

門內之旁待賓客之處與祭同日也一是明日釋祭之時設饌於廟門外西室亦謂之祊卽郊特牲註云祊之禮宜於廟門外之西室及禮器云爲祊乎外是也然則廟門內外皆有祊稱

正門謂之應門

〔註〕朝門〔補正〕

臣鑒

按天子諸侯皆三朝三門三朝外

朝內朝燕朝是也三門制不同而稱亦異天子皐門應門路門諸侯庫門雉門路門是也禮明堂位云庫門天子皐門雉門天子應門詩迺立皐門毛傳云王之皐門曰皐門王之正門曰應門明諸侯之庫門則天子之皐門諸侯之雉門則天子之應門也陳祥道

云諸侯之外門曰庫門魯以周公之故猶不稱臯門
應門特爲臯應之制而已朱子曰書天子有應門春
秋書魯有雉門禮記云魯有庫門家語云衛有庫門
皆無云諸侯有臯應者則臯應爲天子之門明矣自
鄭氏箋詩謂天子五門臯庫雉應路諸侯三門庫雉
路說禮者因之滋惑焉又按臣族兄臣震有三朝三
門考亦是相證發其言曰天子諸侯皆三朝則天子
諸侯皆三門與禮說曰天子五門臯庫雉應路諸侯
三門臯應路失其傳也天子之宮有臯門有應門有
路門路門一曰虎門一曰畢門不聞天子庫門雉門
也郊特牲曰獻命庫門之內此亦據魯之事記者以
魯用天子之禮樂故推魯事合於天子所稱多傳

會失諸侯之宮有庫門有雉門有路門不聞諸侯舉

門應門也舉門者天子之外門庫門者諸侯之外門

應門天子之中門雉門諸侯之中門異其名殊其制

辨等威也天子三朝諸侯三朝天子三門諸侯三門

其數同君國之事件體合也朝與門無虛設也君臣

日見之朝謂之內朝素人及王藩之內朝是也或謂之治朝或謂

之正朝在路門外庭司士正記或謂之外朝與路寢其位

庭之朝連文爲外內也文王世子曰內朝則東面北

則以官註云內朝路寢斷獄蔽訟及詢非常之朝謂

庭外朝路寢之門外庭斷獄蔽訟及詢非常之朝謂

之外朝在中門外庭小司寇掌其政以燕以射及圖

宗人嘉事之朝謂之燕朝在路寢庭太僕正其位若

射則射人掌其

位聘禮曰公出送賓及大門內周官司儀曰出及中門之外廟在中門內明矣記曰昔者仲尼與於蜡賓事畢出遊於觀之上蜡之饗亦祭宗廟廟在雉門內故出而至觀也春秋桓宮僖宮災火自司鐸踰公宮至桓僖二廟廟邇公宮也季桓子至御公立於象魏之外立當遠火也春秋穀梁氏傳曰禮送女父不下堂母不出祭門諸母兄弟不出闕門廟門謂之祭門觀謂之闕亦謂之象魏諸侯設於雉門是以雉門謂之闕門天子蓋設於應門闕門在外祭門在內不出闕門者得出祭門者也

臣震

之說證之正朝在路

門外應門內然則爾雅謂應門爲正門郭氏謂之朝

門皆可通矣

觀謂之闕

觀古玩反

註宮門雙闕補正邢疏周禮正月之吉懸治象之灋

於象魏使萬民觀治象鄭眾云象魏闕也劉熙釋名云闕在門兩旁中央闕然爲道也白虎通云闕是闕疑義又相兼然則其上懸法象其狀巍巍然高大謂之象魏使人觀之謂之觀也是觀與象魏闕一物而三名也以門之兩旁相對爲雙故名雙闕臣瑩按闕當在雉門兩旁春秋雉門及兩觀災又新作雉門及兩觀鄭樵亦謂雉門之旁雙闕曰觀

宮中門謂之闕

註謂相通小門也補正臣鑒按闔門當在宮之東北

隅禮雜記夫人至入自闔門升自側階側階在北堂
下婦人山之乃便也又士冠禮冠者降自西階適東
壁北面見于母註適東壁者出闔門也時母在闔門
之外婦人入廟由闔門是亦在東北隅可知矣而鄭
註士喪禮又謂闔門如今東西掖門

其小者謂之閤小閤謂之閣

註大小異名補正臣鑒按說文云特立之戶上圜下

方有似圭

衡門謂之閤

衡戶絳反
閤獲耕反

註左傳曰盟諸僖閤閤閤頭門補正臣鑒按衡閤同

巷也釋文云廣雅云道也聲類猶以爲巷字說文作
𨇗註云里中道也閼說文巷門也然則巷門謂之閼
春秋左氏傳云乘輦而入于閼註云閼巷門
門側之堂謂之塾

註夾門堂也補正臣鑒按朱子儀禮釋宮云門之內

外其東西皆有塾門一而塾四其塾南鄉案士虞禮
陳門門外之右七俎在西塾之西註曰塾有西者是
室南鄉又士冠禮擯者負東塾註曰東塾門內東堂
負之北面則內塾北鄉也

櫺謂之闌

註門闌補正臣鑒按闌門中植木凡出入只就一扉

內取中君出則除闌中行玉藻云君入門介拂闌謂
拂除其闌也賓入不中門謂不敢與君並由之敬也
曲禮大夫士出入君門由闌右玉藻又云公事自闌
西私事自闌東士冠禮布席於門中闌西闌外皆謂
此也

闌謂之扉

註公羊傳曰齒著于門闌

補正

臣鑒

按說文云闌門

扇扉戶扇也禮月令仲春之月乃修闌扉註云用木
曰闌黃公紹謂雙曰闌闌門也單曰扇扇戶也

所以止扉謂之闕

註門辟旁長楹也左傳曰高其闕闕長杙卽門楹

也補正臣按闕有二義一爲巷門則前衙門謂之

闕是也一爲門辟旁長櫺則此註是也郭註引左傳高其闕闕垣也闕櫺也彼顏師古匡謬正俗云襄左十一年高其闕闕杜元凱註云闕門也門庭之內迤迤又有牆垣之限按若館門實高而直庭內迤迤又有牆垣之限不應云門也又高爲門戶非關止盜之方文伯不應云以無憂客使若門得車入則子產止須引車入門致堂宰之下何勞壞垣云不可踰越蓋是門既不大而止扉又高以牢固扞禦寇賊子產爲其不容車入故壞垣耳尋文究理郭說得之

甌謂之甌

甌力丁反
甌音適

註甌甌也今江東呼甌甌補正臣鑒按詩陳風中唐

有甌傳云甌甌甌也博雅云甌甌也

宮中衙謂之闔

闔釋文云本或作壹苦本反

註巷閣間道補正邢疏孫炎曰巷舍間道也

廟中路謂之唐

註詩曰中唐有甌

堂途謂之陳

註堂下至門徑也補正

臣鑒按朱子謂北自堂階其

南接門內雷考工記堂涂十有二分註云謂階前若

今令甌甌也分其督旁之脩以一分為竣也疏云名

中央為督似令兩旁上下尺二寸則取一寸於中央

爲峻據此則堂涂蓋稍隆起如今俗稱甬道

路旅途也

〔註〕途卽道也

路場猷行道也

場直良反

〔註〕博說道之異名

一達謂之道路

〔註〕長道

二達謂之歧旁

〔註〕歧道旁出也

三達謂之劇旁

〔註〕今南陽冠軍樂鄉數道交錯俗呼之五劇鄉〔補正〕

邢疏孫炎曰旁出岐多故曰劇

四達謂之衢

〔註〕交道四出〔補正〕

臣 登

按公羊傳疏引李註云四達

各有所至曰衢

五達謂之康

〔註〕史記所謂康莊之衢〔補正〕邢疏孫炎云康樂也交

會樂道也

六達謂之莊

〔註〕左傳曰得慶氏之木百車於莊〔補正〕邢疏孫炎云

莊盛也道煩盛

七達謂之劇

註三道交復有一歧出者今北海劇縣有此道

入達謂之崇期

註四道交出

補正

臣參

按文選註引孫註云崇多也

多道會期於此

九達謂之達

註四道交出復有旁通

補正

邢疏詩周南施于中達

毛傳云達九達之道也

室中謂之時堂上謂之行堂下謂之步門外謂之趨中庭謂之走大路謂之奔

註此皆人行步趨走之處因以名云

補正

邢疏堂中

名時時應後動堂上曰行謂平行也堂下曰步白虎

通人踐三尺法天地人再舉足曰步備陰陽也門外
曰趨鄭元云行而張拱曰趨中庭曰走走疾趨也大
路曰奔奔大走也書曰駿奔走案此經所釋謂祭祀
之禮若迎賓則樂師云行以肆夏趨以采薺
隄謂之梁

〔註〕卽橋也或曰石絕水者爲梁見詩傳

石杠謂之荷

荷居義反

〔註〕聚石水中以爲步渡杓也孟子曰歲十月

按疏謂此註作

十月誤脫或所是本異徒杠成或曰今之石橋

室有東西廂曰廟

〔註〕夾室前堂補正

臣鑒

按朱子儀禮釋宮曰覲禮記

註東箱東夾之前相翔待事之處特牲註西堂西夾之前近南爾賈氏曰卽西箱也釋宮室有東西箱曰廟郭氏曰夾室前堂是東箱亦曰東堂西箱亦曰西堂也

無東西廂有室曰寢

註但有大寢補正

臣鑒

按朱子曰案顧命疏寢有東

夾西夾士喪死于適寢主人降襲經于序東註曰序東東夾前則正寢亦有夾與箱矣釋宮所謂無東西廂者或者謂廟之寢也與

無室曰榭

註榭卽今堂堦

補正

邢疏榭有二義一者臺上構木

曰榭上云有木曰榭及月令云可以處臺榭是也一
屋歇前無屋者名榭其制如今廳事也春秋云成周
宣榭公羊以爲宣宮之榭及鄉射禮云榭則鈎楹內
是也郭云榭卽今堂堊者堂堊卽今殿也殿亦無室
故云卽今堂堊臣瑩按公羊傳亦云廟有室曰寢無
室曰榭

四方而高曰臺陝而脩曰樓

陝戶
夾反

〔註〕脩長也

釋器第六

爾雅卷中

木豆謂之豆

〔註〕豆禮器也〔補正〕邢疏案周禮旒人爲豆實三而房

觶崇尺鄭註崇高也豆實四升又祭統云夫人薦豆
執校執醴授之執鐙鄭註云校豆中央直者也鐙豆
下跗也又禮圖云口圓徑尺黑漆飾朱中大夫以上
畫以雲氣諸侯以象天子以玉皆謂飾其豆口也然
則豆者以木爲之高一尺口足徑一尺其足名鐙中
央直豎者名校校徑二寸其實四升用薦菹醢其飾
則三代不同明堂位曰夏后氏以楬豆殷玉豆周獻
豆註云楬無異物之飾也獻疏刻之是也臣鑒按博
古圖有銅豆考工記有瓦豆不專以木也

竹豆謂之邊

註邊亦禮器補正邢疏案鄭註邊人及士虞禮云邊

以竹爲之口有簾絲形制如豆亦受四升盛棗栗桃梅淺苺脯修臠鮑糗餌之屬是也

瓦豆謂之登

註卽膏登也**補正**邢疏對文則木曰豆瓦曰登散則皆名豆故云瓦豆謂之登冬官旒人掌爲瓦器而云豆中縣鄭云縣繩正豆之柄是瓦亦名豆也詩大雅生民云于豆于登毛詩云豆薦菹醢登大羹也公食大夫禮云大羹湑不和實於登湑者肉汁大古之羹也不調以鹽菜以其質故以瓦器盛之

益謂之缶

註盆也**補正**邢疏孫炎云缶瓦器詩陳風坎其擊缶

易離卦不鼓缶而歌史記藺相如使秦王擊缶是樂器爲缶也坎卦樽酒簋二用缶則缶又是酒器也比卦有孚盈缶註人所汲用缶左傳其綆缶備水器則缶是汲水之器然則缶是瓦器可以節樂如今擊甌又可以盛水盛酒卽今之瓦盆也臣鑒按顏師古註

急就篇云缶卽盎也大腹而斂口

甌詭謂之瓠

瓠式之反

註詭數小甌長沙謂之瓠

康瓠謂之甌

甌卽例反

註瓠壺也賈誼曰寶康瓠是也

臣鑒

按說文云康瓠

破甌也博雅云甌裂也揚子法言云剛則甌註云甌

破瓦又破甓也賈誼傷絳灌之讒已因弔屈原而爲

賦言棄周鼎而寶破甓謂漢文之棄賢信佞也

斲斲謂之定

斲巨俱反斲釋文云本或作櫟丁錄反

〔註〕鋤屬〔補正〕

臣鑒

按釋文云斲本或作櫟說文云齊

謂之茲箕李巡云斲斲鋤也玉篇云鉉鉉鋤也

斲謂之鋸

斲音灼鋸直畧反

〔註〕鑿也

〔補正〕

邢疏說文云鑿大鋤也

臣鑒

按淮南鴻

烈云負鑿而註云鑿斲也

剛謂之鑿

剛七遙反剛楚治反

〔註〕皆古鋤插字

〔補正〕

臣鑒

按說文於剡字下註引爾

雅云剡謂之鑿古田器也於鑿字下註剡也古田器

蓋斛卽銚斛卽缶也方言缶燕之東北朝鮮冽水之
間謂之斛宋魏之間謂之鐺或謂之鐺江淮南楚之
間謂之缶趙魏之間謂之臬臬或作鑿詩序乃錢鐺
毛傳錢鐺也蓋此器似鑿非鑿體用畧與錢同用以
起土剗草也

纓罟謂之九罟九罟魚罔也

纓子公反罟音古罟音域

〔註〕今之百囊罟是亦謂之罟今江東謂之纓〔補正〕臣

鑿按罟罔也九罟亦罔也詩豳風九罟之魚傳云九

罟纓罟亦魚之網也

嫫婁之笱謂之罟

笱音狗罟力九反

〔註〕毛詩傳曰留曲梁也謂以薄爲魚笱〔補正〕邢疏孫

炎云留曲梁其功易故謂之寡婦之笱然則曲薄也
發寡也以薄爲魚笱其功易號之寡婦之笱耳非寡
婦所作也

單謂之油

單側交反
油所謀反

註今之捺罟補正邢疏李巡云汕以簿汕魚也詩南
有嘉魚烝然汕汕傳云櫟也箋云櫟今之捺罟也

筐謂之罩

筐七角反
罩竹卓反

註捕魚籠也補正邢疏李巡云筐編細竹以爲罩捕
魚也詩烝然罩罩是也

樛謂之涔

樛霜甚反
涔音潛

註今之作樛者聚積柴木於水中魚得寒入其裏藏

隱因以薄圍捕取之補正邢疏小爾雅曰魚之所息謂之潛潛樛也積柴水中魚舍也詩周頌云潛有多魚是也樛樛潛潛古今字云

鳥罟謂之羅

註謂羅絡之補正邢疏李巡云鳥飛張網以羅之詩王風云雉離于羅是也

兔罟謂之罝罝子余反

註罝猶遮也見詩補正邢疏詩蕭蕭兔罝是也李巡云兔自作徑路張罝捕之也

麋罟謂之罾罾音蒙

註冒其頭也

羈罟謂之羈

羈力端反

註羈幕也

補正

臣鑒

按後漢馬融傳罟罟羈章懷

太子註云羈羈罔也又太平御覽引舍人註云羈剛惡敵人故張網以羅之

魚罟謂之罟

罟工胡反

註最大罟也今江東云

補正

臣鑒

按詩衛風施罟滅

滅魯語水虞於是乎溝罟罟取名魚

罟謂之罟罟罟也罟謂之罟罟覆車也

罟阜覓反罟昌凶反罟姜悅反

罟音字

註今之翻車也有兩轅中施罟以捕鳥展轉相解廣

異語

補正

臣鑒

按說文云罟謂之罟罟謂之罟罟謂

之舉捕魚覆車也

絢謂之救

絢共俱反

註救緣以爲絢或曰亦習名

律謂之分

註律管可以分氣補正邢疏以其分候十二月氣故

又名分

大版謂之業

釋文云本或作牒

註築牆版也補正邢疏孫炎曰業所以飾桷刻板捷

業如鋸齒也毛詩傳云業大版也所以飾桷爲縣也

繩之謂之縮之

註縮者約束之詩曰縮版以載補正邢疏以繩束版

謂之縮縮既築牆所用繩則業是築牆所用之版
彝曰罍器也

註皆盛酒尊彝其總名也

補正

臣鑒

按周官小宗伯

辨六彝之名物以待果將辨六尊之名物以待祭祀
賓客鄭康成云六彝雞彝鳥彝犀彝黃彝虎彝雉彝
鄭司農云六尊獻尊象尊壺尊著尊大尊山尊又鬯
人凡祭祀社壇用大罍廟用修註云大罍瓦罍脩讀
曰卣卣中尊謂獻象之屬禮器云廟堂之上罍尊在
阼犧尊在西明堂位泰有虞氏之尊也山罍夏后氏
之尊也著殷尊也犧象周尊也是以郭氏謂彝其總
名陳祥道謂尊亦謂之彝彝亦謂之尊鄭康成又云

尊者彝為上鼎為下聶崇義云彝受三斗尊受五斗
鼎受一斛賈公彥云祿用彝朝踐饋獻用尊鼎則諸
臣所酢是彝為上鼎為下尊為中也蓋周官有大鼎
爾雅有小鼎蓋所以辨其等威非謂其容受也

小鼎謂之坎

註鼎形似壺大者受一斛補正臣鑒按說文云櫛或

以缶作鼎龜目酒尊刻木為雲雷象施不窮也又按

鼎亦盛水大射禮設洗于阼階東南鼎水在東是也

衣疏謂之祝疏力求反
祝五今反

註衣縷也齊人謂之縷或曰袿衣之飾補正邢疏方

言云縷謂之袿彼註云衣衿也云齊人謂之縷者以

目驗而言也臣鑒按玉藻衽當旁註云袵謂裳幅所

交裂也凡衽者或殺而下或殺而上衽屬衣則垂而

放之屬裳則縫之以合前後上下相變

黼領謂之襍襍音

註繡刺黼又以偃領補正邢疏詩唐風素衣朱襍毛

傳云襍領也諸侯繡黼丹朱中衣

緣謂之純純之

註衣緣飾也補正臣鑒按純緣也緣純也謂衣邊際

今人謂之鑲邊禮深衣純袂緣純邊廣各寸半是也

袂謂之襜襜胡决反

註衣開孔也補正臣鑒按邢疏引說文說鬼衣也未

詳

衣皆謂之襟

〔註〕交頤〔補正〕

臣鑒

按說文云交衽也釋名襟禁也交

于前所以禁禦風寒也方言云襟謂之交

袂謂之裾

袂居性反

〔註〕衣後裾也〔補正〕

臣鑒

按釋名云裾倨也倨倨然直

亦言在後常見踞也

衿謂之襟

衿音衿辭見反

〔註〕衣小帶〔補正〕

臣鑒

按士昏禮施衿結帨漢書楊雄

傳衿芟茄之緣衣兮註引應劭曰衿音衿系之衿衿

帶也

佩紵謂之褱綾子春反

註佩玉之帶二屬補正邢疏佩下之帶名褱臣鑒按

方言佩紵謂之程註所以系玉佩也與此字異而義

同

執衽謂之袼袼居點反

註持衣上衽補正邢疏衽裳際也手執持其衽名袼

詩周南薄言袼之

扱衽謂之襍扱楚洽反襍胡結反

註扱衣上於帶補正邢疏詩周南薄言襍之臣鑒按

廣雅云襍懷也然則扱於帶在懷間也

衣蔽前謂之幘

〔註〕今蔽膝也〔補正〕邢疏方言云蔽邾江淮南楚之間謂之褱或謂之蔽魏宋南楚之間謂之大巾自關東西謂之蔽邾齊魯之間謂之褱臣瑩按釋文云幘本或作褱方言作褱戰國策云百姓理褱蔽詩小雅終朝采藍不盈一褱皆謂此也

婦人之褱謂之縹縹綌也

褱音韋縹力知反綌汝誰反

〔註〕今之香纓也褱邪交落帶繫于體因名爲褱綌繫也〔補正〕邢疏此女子旣嫁之所著示繫屬於人曲禮云女子許嫁纓及內則云衿纓是也詩云親結其縢謂母送女重結其所繫著以申戒之

裳制幅謂之縢

縢音

〔註〕削散其幅深衣之裳〔補正〕邢疏深衣篇云制十有二幅以應十有二月〔註〕云裳六幅幅分之以為上下之散故云削散其幅

輿革前謂之鞮

鞮胡根反

〔註〕以韋鞮車軾〔補正〕邢疏李巡曰輿革前謂輿前以革為車飾曰鞮郭云韋鞮車軾鞮謂鞮也軾上橫木毛詩傳云諸侯之路車有朱革之質而羽飾謂以皮革為衣質其上又以翟羽為之飾詩齊風簞第朱鞮是也

後謂之第

第音弗

〔註〕以韋鞮後戶〔補正〕邢疏李巡曰第車後戶也

竹前謂之禦

〔註〕以簟衣軾〔補正〕邢疏李巡曰竹前謂編竹當車前以擁蔽名之曰禦禦止也孫炎曰禦以簟爲車飾也詩傳云簟方文席也

後謂之蔽

〔註〕以簟衣後戶

環謂之捐

〔註〕著車衆環〔補正〕臣瑩按捐集韻作捐從木云車環

謂之相

鑣謂之鑣鑣魚
謁反

〔註〕馬勒旁鐵〔補正〕臣瑩按說文云鑣馬銜也釋名云

鑣苞也所以在旁苞斂其口也

載轡謂之轡轡音儀

註車輓上環轡所貫也**補正**邢疏轡者御馬之具也古者乘馬駕駟馬凡八轡轡端之木名衡衡即輓輓上著環以貫轡

轡首謂之革

註轡靶勒見詩**補正**邢疏詩大雅云鞶革金厄是也

宇林云靶轡革也

餒謂之餘餒呼市反餘許穢反

註說物臭也**補正**邢疏李巡云餒餘皆穢臭也

食饘謂之餒饘音鎰餒於介反

〔註〕飯穢臭見論語〔補正〕臣鑒按釋文引字林云饘飯

傷熱濕也

搏者謂之糲搏徒端反

〔註〕飯相著〔補正〕邢疏李巡云糲飯淖糜相著也

米者謂之粢粢音反

〔註〕飯中有腥〔補正〕邢疏飯中有腥米者名粢李巡曰

米飯半腥半熟名粢即論語云失饪不食臣鑒按米

者本或作米生註疏及鄭樵本皆作米者臣謂當作

米腥陸德明釋文載腥字在粢字下則其悞已久矣

周官內饗豕盲視而交睫腥註云肉有如米者似星

盖飯中之生米亦得謂之腥也

肉謂之敗

註臭壞

魚謂之餒

註肉爛**補正**邢疏春秋梁亡公羊傳曰梁何自亡內爛而亡也何休云魚爛從內發故云內爛郭用公羊爲說今本內作肉恐誤

肉曰脫之

註剝其皮也今江東呼麋鹿之屬通爲肉**補正**邢疏李巡云肉去其骨曰脫皇侃云肉除其筋膜取好者

魚曰斲之

斲莊畧反

註謂削鱗也**補正**邢疏禮內則及李巡爾雅本皆云

魚曰作之

冰脂也

〔註〕莊子云肌膚若冰雪冰雪脂膏也

肉謂之羹

〔註〕肉臠也廣雅曰漬見左傳〔補正〕邢疏廣雅曰羹謂之漬

魚謂之鮓鮓巨伊反

〔註〕鮓鮓屬也見公食大夫禮

肉謂之醢

〔註〕肉醬

有骨者謂之醢醢人今反

〔註〕雜骨醬見周禮補正邢疏按醃人職云掌四豆之實韭菹醢醢昌本康醫注云作醢及醬者必先膊其肉乃後莖之雜以梁麴及鹽漬以美酒塗置瓶中百日則成矣

康謂之蠱

〔註〕米皮

澱謂之塗

〔註〕滓澱也今江東呼塗

鼎絕大謂之鼎

〔註〕最大者

園塗上謂之鼎

鼎音谷

註鼎斂上而小口

附耳外謂之鈇鈇音弋

註鼎耳在表

款足者謂之鬲款苦管反

註鼎曲脚補正臣鑒按鬲款而三足無足則釜也方

言江南陳楚之間謂之錡前漢郊祀志云鼎空足曰

鬲註引蘇林云足中空不實者名曰鬲也考工記云

鬲實五穀厚半寸脣寸

鬲謂之鬻鬻卽凌反得文云本或作甌鬻財金反

註詩曰漑之釜鬻補正臣鑒按說文云大釜也一曰

鼎大上小下若甌曰鬻方言甌自關而東謂之獻或

謂之鬻考工記陶人爲甌實二甌厚半寸脣寸甌實
二甌厚半寸脣寸七穿註鄭司農云甌無底甌臣瑩
按臣族兄臣震云甌上體如甌無底施簞其中容十
二斗八升下體如甌以承水陸氣於上古銅甌有存
者大勢類此

甌鋸也

註涼州呼鋸

璫瑞也

註詩曰韜韜佩璫璫者玉璫補正邢疏璫者瑞玉名
也詩箋云佩璫者以瑞玉爲佩

玉十謂之區

〔註〕雙玉曰穀五穀爲區〔補正〕

臣鑒按說文云二玉相

合爲珏

羽本謂之翮

〔註〕鳥羽根也

一羽謂之箴十羽謂之縛百羽謂之緝

縛音篆緝古本反

〔註〕別羽數多少之名

〔補正〕

邢疏周禮羽人職云凡受

羽十羽爲審百羽爲搏千羽爲縛〔註〕審搏縛羽數束名也爾雅云一羽謂之箴十羽謂之搏百羽謂之緝其名音相近也一羽謂之箴十羽謂之搏意以爲箴與審縛與搏緝與縛名數聲音皆相近也一羽不合有名爾雅一羽則有名疑一羽當爲十羽也郭意以

爲凡物無不從一爲始以爲爾雅不失周官未爲得也

木謂之虞

虞音巨

註縣鐘磬之木植者名虞補正邢疏考工記梓人爲筍虞註云樂器所縣橫木曰筍植曰虞然則縣鐘磬者兩端有植木其上有橫文謂直立者爲虞謂橫牽者爲枸枸上加大板爲之飾名業

旄謂之龍

龍方皮反

註旄牛尾也補正邢疏舞者所執也

菜謂之藪

註藪者萊茹之總名見詩

白蓋謂之苦苦失

〔註〕白茅苦今江東呼爲蓋補正臣鑒按釋文引李註

云編菅茅以覆屋曰苦

黃金謂之璫其美者謂之鏐白金謂之銀其美者謂之

鏐璫徒黨反鏐力彫反

〔註〕此皆道金銀之別名及精者鏐卽紫磨金補正臣

鑒按說文云璫金之美者與玉同色

鉶金謂之鉶鉶音版

〔註〕周禮曰祭五帝卽供金鉶是也

錫謂之鉶

〔註〕白鑑

象謂之鵠角謂之觶犀謂之削木謂之剡玉謂之雕胡

酤反釋文云本亦作酤同觶音學削七各反剡徒各反

〔註〕左傳曰山有木工則剡之五者皆治樸之名〔補正〕
邢疏謂治其樸俱未成器

金謂之鏤木謂之刻骨謂之切象謂之磋玉謂之琢石
謂之磨

〔註〕六者皆治器之名〔補正〕邢疏此謂治器加工而成
之名也

璆琳玉也璆音蚪釋文云本或作球

〔註〕璆琳美玉名

簡謂之畢

註今簡札也補正邢疏簡竹簡也古未有紙載文於簡謂之簡札一名畢禮學記云呻其佔畢謂但呻誦所視簡之文是謂簡爲畢也

不律謂之筆

註蜀人呼筆爲不律也語之變轉補正邢疏許慎云楚謂之聿吳人謂之不律燕謂之弗秦謂之筆臣鑒按鄭樵註云緩聲爲不律急聲爲筆

減謂之點

註以筆減字爲點

絕澤謂之銑

銑蘇典反

註銑卽美金言最有光澤也國語曰珌之以金銑者

謂此也

金鏃翦羽謂之鏃

鏃音侯

〔註〕今之鏃箭是也

〔補正〕

邢疏鏃箭頭也翦齊也以金

爲鏃齊羽者名鏃孫炎曰金鏃斷羽使前重也

臣鑒

按方言云箭廣長而薄廉者謂之鏃

骨鏃不翦羽謂之志

〔註〕今之骨髀是也

〔補正〕

臣鑒

按髀箭不能傷人故謂

之志釋文引埤蒼云髀骨鏃也

弓有緣者謂之弓

〔註〕緣者繳纏之卽今宛轉也

〔補正〕

邢疏孫炎曰緣謂

繳束而漆之

無緣者謂之弭

弭亡婢反

〔註〕今之角弓也左傳曰左執鞭弭補正邢疏李巡曰

骨飾兩頭曰弓不以骨飾兩頭曰弭孫炎曰弭謂不

以繳束骨飾兩頭者也

以金者謂之鈇以蜃者謂之珧以玉者謂之珪

珧余招反

〔註〕用金蚌玉飾弓兩頭因取其類以為名珧小蚌

珪大尺二寸謂之珪

〔註〕詩曰錫爾珪珪

補正

臣鑒

按臣

族兄

臣震

考工記

圖云鎮圭命圭通謂之介圭介者大也禮器大圭不

琢以素為貴亦謂此也爾雅珪大尺二寸謂之珪據

鎮圭言也詩錫爾珪圭以作爾寶以其介圭入覲于

王據命圭言也

璋大八寸謂之瑯

琅瑯有反

〔註〕璋半圭也

璧大六寸謂之宜

釋文云宜本或作瑱

〔註〕漢書所云瑱玉是也〔補正〕邢疏漢書郊祀志云有

司奉瑱玉是也

肉倍好謂之璧

〔註〕肉邊也好孔也

好倍肉謂之瑗

〔註〕孔大於邊也〔補正〕

臣鑒

按說文云瑗大孔璧八君

上除陛以璧瑗相引

肉好若一謂之環

〔註〕邊孔適等

縫綬也

〔註〕卽佩玉之組所以連繫瑞王者因通謂之璲補正

臣鑒

按經典無璲字璲當作璲音逆說文云綬維也

漢書翟方進傳赤鞮綬註引服虔云綬今之綬也師古曰綬者系也謂逆受之也後漢輿服志云自青綬呂上綬長三尺二寸與綬同采而首半之綬者古佩璲也佩璲相迎受故曰綬紫綬呂上綬綬之間得施玉環璫云崔豹古今註及初學記引董巴輿服志皆同自郭氏誤作綬邢昺因之皮傳云

一染謂之緇

緇今之紅也

補正

臣鑒

按儀禮喪服云公子爲其母

練冠麻衣緇緣註云淺絳也沈括云今之茜也色小

赤

再染謂之赭

赭取貞反

緇染者

補正

臣鑒按詩周南魴魚赭尾毛傳赭赤也

三染謂之纁

纁纁絳也

補正

邢疏李巡云三染其色已成爲絳纁

絳一名也考工記云三入爲纁註云染纁者三入而

成

臣鑒

按說文謂纁黃赤色赭赤色纁淺絳也絳爲

大赤蓋由淺而深也

青謂之慈

註淺青

黑謂之黝

註黝黑貌周禮曰陰祀用黝牲

斧謂之黼

註黼文畫斧形因名云

邸謂之柢

註根柢皆物之邸邸卽底通語補正邢疏周禮四圭

有邸謂邸爲本柢也

雕謂之琢

註治玉名也

蓐謂之茲

註公羊傳曰屬負茲茲者蓐席也補正邢疏何休云

天子有疾稱不豫諸侯稱負茲大夫稱犬馬士稱負

薪

竿謂之施

註木架

簣謂之第

第側子反

註牀版

革中絕謂之辨

辨普通反

註中斷皮也補正

臣鑒

按顧野王玉篇引爾雅革中

絕謂之辨作辨云車轡勒也

革中辨謂之鞞

鞞音脊

註復分平也

補正

邢疏皮去毛曰革此別分斷之名

也中斷之名辨復中分其辨名鞞也

臣鑒

按廣韻云

鞞車上所用皮也

鏤鏤也

鏤蘇婁反

註刻鏤物爲鏤

出中尊也

註不大不小者

爾雅郭註補正卷四終